

Regulamento e invitación para tomar parte na
XXXIII TRAVESÍA RÍA DO PASAXE DE PIRAGÜISMO
AS XUBIAS – A CORUÑA 2016

Organización

A organización técnica e execución da regata corresponde á F.G.P. e ao club Sociedad Deportiva As Xubias, que actuarán a través dos seus órganos executivos.

Patrocinio

O patrocinio corresponde ao Concello da CORUÑA polo que esta entidade figurará de forma salientada en toda publicidade e acto de carácter público que por razón do mesmo se celebre.

Lugar, data e hora

Praia de Oza- Ría do Pasaxe - A Coruña, o **Domingo día 28 de Agosto de 2016 ás 10:00** horas.

Equipo arbitral

O Equipo arbitral será o que designe a Xunta Directiva da F.G.P. a proposta do Comité técnico de árbitros.

Comité de Competición

Será formado da maneira que establecen os regulamentos vixentes na F.G.P., sendo da seguinte forma:

PRESIDENTE: Xuíz Árbitro da Regata.

SECRETARIO: Delegado Federativo.

VOCAL: Representante da S.D. As Xubias.

Participación

Aberta a todos os clubs de España, así como a todos/as os/as deportistas federados/as no ano en curso segundo as normas da I.C.F.

Categorías e embarcacións:

Estas serán:

CATEGORÍAS	SEXO	EMBARCACIONES
Xuvenil	HOME E MULLER	K-1 e C-1
Sénior	HOME E MULLER	K-1 e C-1
Veterán A	HOME E MULLER	K-1 e C-1
Veterán B	HOME E MULLER	K-1 e C-1

Lémbrese a obriga de que as embarcacións participantes reúnan as condicións expresadas nos regulamentos, referidas á flotabilidade, peso e medidas.

Inscricións

O prazo de inscrición remata o **mercores 24 de Agosto**.

Cada club poderá inscribir, de forma ilimitada, o número de embarcacións e deportistas, por modalidade e categoría, que considere oportuno, desde que cumpran a normativa establecida no presente regulamento e noutros regulamentos que lle afecten.

As inscricións serán feitas pola **aplicacion web** ou enviadas os seguintes e-mail:

asxubias@gmail.com e kayak-canoa@fegapi.org

Inscripcións definitivas

As mesmas realizaranse, o día da regata, entre as 9h00 h. e as 9:30 h., nas instalacións da Sociedad Deportiva As Xubias na Coruña.

Para realizar a mesma o/a xefe/a de equipo deberá facer entrega, ao xuíz árbitro, dunha relación dos participantes coa que se compromete, mediante sinatura, a que todos os relacionados serán os piragüistas que tomarán a saída.

Unha vez finalizada a regata os clubs deberán facer entrega dos dorsais no mesmo lugar, onde tamén se farán públicos os resultados da competición. Por cada dorsal non devolto ou devolto deteriorado o club será obxecto dunha sanción de 30 €.

Puntuacións e Clasificación por equipos

As puntuacións serán as establecidas no Regulamento de Descensos, Ascensos, Travesías e Maratón da R.F.E.P.

Para os efectos de puntuación por equipos ou clubs, de cada modalidade, embarcación e categoría deberán tomar a saída, ao menos tres (3) embarcacións de dous clubs distintos. Para a toma de puntos para clubs puntuarán todas as embarcacións entradas en meta, para todas as categorías.

A suma dos puntos acadados polas embarcacións de cada equipo ou club determinará o número de puntos logrados por cada un deles. Será proclamado gañador desta regata ao club que maior número de puntos acade.

Distancia, orde e horarios das saídas

Para o acceso á liña de saída as embarcacións deberán atender as ordes dos/as xuíces tendo en conta que ás 11:00 h. ningunha embarcación (que non sexa controlada polos/as árbitros) poderá estar na auga. As embarcacións deberán pasar o oportuno control arbitral en terra, quedando ás ordes dos/as xuíces de saída. O equipo arbitral, na saída e na ordenación da mesma, realizará o oportuno control de embarcacións para entregarlle ao organizador. Os/as palistas que non pasen o control de saída serán considerados como non participantes e descualificados para tódolos efectos.

Lugar da saída	Embarcacións participantes	Categoría	Horarios de saída	Distancia de competición	Saída	Peche control
Praia de Oza	k-1 Home e k-1 Muller	Benxamíns	10:00 h	1.500 m	Saída de auga	
	k-1 Muller e k-1 Home	Alevín dama Alevín home	10:30 h 11:00 h	1.500 m		
	K-1 e C-1 Home e Muller	Infantís	11:30 h	3 km		
	K-1 e C-1 Home e Muller	Cadetes	12:00 h	3 km		
	K-1 e C-1 Home e Muller	Senior, Xuvenil, e Veters A e B	12:30 h	4,5 Km		15 min
	K2 adaptado con acompañante	Persoas con diversidade funcional	13:00 h	1.500 m		5 min

Trofeos e medallas

Serán entregados trofeo, placa ou medalla aos tripulantes das tres (3) primeiras embarcacións de cada modalidade e categoría establecidas no presente regulamento e trofeos aos tres (3) primeiros clubs clasificados.

Para a recepción do trofeo precísase a presenza física dos galardoados (clubs e deportistas) que deberán presentarse coa uniformidade debida no momento e lugar establecido pola organización. A non presenza do galardoado no lugar de entrega de trofeos á hora indicada pola organización é causa de descualificación para tódolos efectos.

A entrega de trofeos realizarase, unha vez comunicados os resultados oficiais, nas instalacións do club S.D. As Xubias, ao termo da regata.

Regulamentación

A presente regata rexirase por este regulamento e, nos casos non previstos, polo regulamento da XIV Copa Galega de Ríos e Travesías, polo Regulamento da XXII Liga Xunta de Galicia, polo Regulamento de Ascensos, Descensos, Travesías e Maratón da R.F.E.P., así como polo Xeral e Técnico de Competicións da mesma e Regulamentos e Estatutos da F.G.P.

Reclamacións

Toda reclamación sobre o dereito a participar dalgún deportista ou club deberá ser realizada diante do xuíz árbitro da regata, ata unha hora antes do comezo da mesma. Toda reclamación sobre o desenvolvemento da regata será presentada ao Comité de competición e entregada en man ao xuíz árbitro nun tempo non superior aos vinte (20) minutos da publicación dos resultados ou do momento no que o/a xefe/a de equipo sexa comunicado da decisión tomada en contra do seu equipo ou deportista. As reclamacións deberán ser realizadas por escrito e acompañadas dunha taxa de dezaioito euros (18 €) que serán devoltas se a mesma é estimada. As decisións do Comité de competición son definitivas e poderán ser apeladas, sempre por escrito, diante do Xuíz único do Comité de disciplina da F.G.P. acompañadas da taxa de sesenta euros (60 €) que serán devoltos se a reclamación é estimada.

Outras normas

A inscrición na presente regata implica a aceptación de todas as súas normas. O Organizador da regata non se fai responsable dos danos que puidesen causarse ás embarcacións e demais material dos participantes, tanto no desenvolvemento da competición como no transporte a/en/desde a mesma. É obrigatorio o uso do chaleco salvavidas para todos/as os/as participantes, agás a categoría Senior e Veterano.